

Me 2021



Kisa Paran Dwe Konnen Sou Evalyasyon altènatif nan Delaware (DeSSA-Alt)

Evalyasyon nan tout eta Delaware la

Tout eta yo gen obligasyon pou yo ofri evalyasyon nan tout eta a pou tout etidyan yo. Delaware gen de (2) chemen evalyasyon pou tout eta a. Toude opsyon yo evalye Aktivite Atistik Lang Anglè, Matematik, ak Syans. Yon opsyon se opsyon evalyasyon jeneral ki rele Sistèm Evalyasyon Etidyan nan Delaware (Delaware System of Student Assessment).

Lòt opsyon an se evalyasyon altènatif ki rele Sistèm Evalyasyon Altènatif Etidyan nan Delaware (Delaware System of Student Assessment Alternate, DeSSA-Alt)

Yo te konsevwa opsyon evalyasyon altènatif la pou 1 teste etidyan ki pa ka resevwa tès nan fason apwopriye atravè opsyon evalyasyon jeneral la, menm si yo jwenn sipò aksèsibilité.

Enfòmasyon nan bwochi sa a aplike a tout etidyan ki pral patisipe nan evalyasyon altènatif.

Pou pran desizyon ki byen enfòme, li enpòtan pou paran yo konnen enfòmasyon swivan yo:

Kisa ki yon evalyasyon altènatif?

Evalyasyon altènatif (DeSSA-Alt) se pou yon ti gwoup etidyan ki gen defisyans koyitif ki sevè anpil." Yo itilize mo sa nan kontèks evalyasyon pou etidyan ki pa ka patisipe nan fason apwopriye nan evalyasyon jeneral akoz enpak jeneralize ki lakoz pa youn oubyen plizyè andikap. Evalyasyon altènatif evalye estanda reyalizasyon altènatif epi etidyan yo dwe resevwa edikasyon atravè estanda reyalizasyon altènatif.

Kisa ki Zouti Priz Desizyon pou Patisipasyon nan Evalyasyon altènatif nan Delaware?

Yo te devlope Zouti Priz Desizyon an pou ede ekip IEP a detèmine si yon etidyan satisfè kritè yo pou pran evalyasyon altènatif yo (DeSSA-Alt).

Objektif zouti sa a se jenere diskisyon serye chak ane konsènan si evalyasyon altènatif la rete evalyasyon ki pi apwopriye pou etidyan an.

Paran yo reprezante manm esansyèl nan ekip IEP a epi dwe jwe yon wòl aktif nan pran desizyon.

Se pa tout etidyan ki andikape ki bezwen patisipe nan evalyasyon altènatif yo. Ekip IEP a itilize prèv ak zouti priz desizyon an pou deside ki opsyon evalyasyon ki pi bon pou chak timoun endividyleman.

Kisa "andikap koyitif ki sevè anpil" vle di?

Definisyon nan Delaware pou yon timoun ki gen yon andikap koyitif ki sevè anpil se youn kote andikap la oubyen andikap yo afekte nan fason jeneralize fonksyonnan entelektyel ak konpòtman adatapsyon li.

Kijan pou m konnen si timoun mwen an gen yon "andikap koyitif ki sevè anpil?"

Yon etidyan ki gen yon "andikap koyitif ki sevè anpil" gen yon andikap oubyen plizyè andikap ki sevèman afekte aprantisaj nan tout sijè ak nan lòt domèn anndan ak deyò lekòl la. Andikap la afekte tou aktivite lakay ak nan anviwònman sosyal. Jeneralman etidyan sa a gen nesesite komunikasyon konpléks, li bezwen asistans sosyal nan aktivite kotidyen epi li ka pa janm vin devlope endependans. Zouti priz desizyon an se meyè fason pou ekip yo idantifye si yon etidyan gen yon andikap koyitif ki sevè anpil.

Kiyès ki nan ekip IEP a?

Nan ekip IEP a ou jwenn paran, pwofesè, anplwaye, espesyalis ak administratè. Yon ekip IEP itilize zouti priz desizyon an ak lòt enfòmasyon pou detèmine kijan yon etidyan patisipe nan evalyasyon eta a. Desizyon a se yon desizyon gwoup la pran.

Kijan ekip IEP a deside ki evalyasyon timoun mwen an ta dwe pran?

Ekip IEP a gade dosye etidyan an, opinyon nan men tout moun nan rankont lan, done epi analize Pyebwa Desizyon pou Evalye Etidyan ki Gen Andikap. Pyebwa desizyon an rezime etap pou detèmine opsyon y ap itilize pou evalye etidyan an.

Kijan Ekip IEP a deside si timoun mwen an elijib pou evalyasyon altènatif la?

Yon ekip IEP, sa enkli paran, rankontre pou detèmine si yon etidyan gen yon "andikap koyitif ki sevè anpil."

Sa yo se kék nan etap yo itilize pou deside:

- Analize dosye etidyan an sou plizyè ane
- Analize enfòmasyon etidyan ak done nan lòt anviwònman (lekòl, lakay, kominate)
- Detèmine si etidyan an satisfè kritè elijblite ki sou zouti priz desizyon an.

Si ekip IEP a twouve etidyan an elijib, chak manm ekip la dwe siyen pou montre yo dakò. Genyen tou yon deklarasyon alekri ki dokimante nan IEP a.

Kijan m ka asire m yo satisfè nesesite timoun mwen an nan kad evalyasyon eta yo?

Lè w pale ak pwofesè a, sa ka asire yo satisfè nesesite timoun ou an. Ou ka chwazi tou pou w

- Mande èd ak sipò pou timoun ou an
- Mande yon evalyasyon oubyen yon pwosesis IEP
- Panse sou sipò aksesiblite ki ka itil
- Gade lòt resous ki disponib

Ki tip sipò timoun mwen an ka resevwa pandan evalyasyon ak nan sal klas la?

Ekip IEP a chwazi sipò aksesiblite pou alafwa enstriksyon ak evalyasyon. Desizyon sa yo baze sou nesesite endividyle chak timoun. Sipò ki itilize pandan evalyasyon ta dwe itilize pandan enstriksyon nan sal klas. Manyèl Liy Direktris Aksesiblite enimere sipò etidyan epi ekip IEP a ka analize sa yo chak ane.

A kisa evalyasyon altènatif (DeSSA-Alt) la sanble?

Delaware itilize ti liv tès Kat Aprantisaj Dinamik (Dynamic Learning Maps, DLM) pou evalyasyon altènatif nan ELA (Aktivite Atistik Lang anglè), Matematik, ak Syans. Chak ti liv tès baze sou eleman esansyèl (estanda) ke etidyan an te aprann nan sal klas la.

Etidyan yo pran tès la nan fason endividyle ak yon pwofesè sou yon òdinatè. Yo ka adapte materyèl pou chak etidyan, anfonksyon nesesite etidyan an.

Kisa m pral dekouvrir si timoun mwen an pran DeSSA-Alt la?

Evalyasyon altènatif yo pral prezante enfòmasyon sou kapasite timoun lan. Paran yo resevwa rezulta nòt pou chak domèn kontni ki evalye. Rapò sa yo pral ede montre kisa yon etidyan konnen epi ka fè.

Kisa ki estanda reyalizasyon altènatif?

Eleman esansyèl se atant ki lye ak nivo klas espesifik konsènan kisa etidyan ki gen andikap koyitif ki sevè anpil ta dwe konnen epi kapab fè. Eleman esansyèl rete lye ak estanda kontni Delaware pou etidyan nan populasyon jeneral la.

Èske yo edike etidyan an mwen an ak estanda diferan?

Yo pral anseye timoun ou an ak estanda ki te itilize pou kreye evalyasyon altènatif. Evalyasyon altènatif la (DeSSA-Alt) rete baze sou estanda reyalizasyon altènatif oubyen eleman esansyèl DLM yo.

E si pitit mwen an pale yon lòt lang ki pa anglè?

Yon etidyan ki ap aprann lang anglè ka konsidere pou l pran evalyasyon altènatif (DeSSA-Alt) si evidans yo montre yon "andikap koyitif ki sevè anpil." Etidyan an dwe tou satisfè liy direktris pou patisipasyon. Yo ta dwe itilize evalyasyon nan lang matènèl li, depi sa awopriye.

Si etidyan an pa kalifye anndan liy direktris yo, li ta dwe pran evalyasyon jeneral yo (DeSSA) avèk oubyen san aranjman, si sa nesesè.

Kijan timoun mwen an ap fè pou l pral yon tès si li gen yon lòt fason pou l kominike?

Yo te kreye evalyasyon altènatif la pou etidyan, menm si li gen nesesite komunikasyon ki sevè anpil yo. Etidyan w lan pral ofri repons lè li itilize meyè mòd komunikasyon li an.

Si timoun mwen an te pran evalyasyon altènatif yo (DeSSA-Alt) oparavan, èske li ka transfere pou evalyasyon jeneral (DeSSA) pou ane pwochen?

Yo pran desizyon chak ane konsènan patisipasyon nan evalyasyon onivo eta a. Si yo transfere timoun lan soti nan evalyasyon altènatif pou ale nan evalyasyon jeneral, enstriksyon sal klas ta pral bezwen chanje tou anfonksyon Estanda Kontni Delaware.

Èske timoun mwen an pral resevwa yon Diplòm Reyalizasyon Altènatif?

Yon diplòm reyalizasyon altènatif pa lye ak evalyasyon altènatif la.

Yon ekip IEP detèmine ki diplòm yon timoun resevwa anfonksyon enplikasyon li nan evalyasyon altènatif lan.

Konsa tou, yon etidyan pa ka resevwa yon diplòm fen etid segondè regilye sofsi yo satisfè tout ekzijans pou yon diplòm fen etid segondè (pa ekzanp, kantite kredi yo resevwa jan sa ekzije pa eta a ak LEA yo an).

Ou ka jwenn enfòmasyon ak resous adisyonèl pou evalyasyon eta nan:

<https://education.delaware.gov/digital-de/family-resources/assessment-resources-for-families/>

IEP etidyan an pa enkli sipò aksesiblite ki prezante nan Liy Direktris Aksesiblite Delaware lan.

IEP etidyan an defini sipò aksesiblite ki prezante nan Anèks A-1 nan Liy Direktris Aksesiblite Delaware ki founi pandan enstriksyon ak evalyasyon pou sipòte aksè.

Yon etidyan ki gen yon andikap ki sevè anpil itilize prèske tout sipò pèsonalize, aranjman ak modifikasyon, materyèl ki prezante nan Anèks B-1 nan Liy Direktris Aksesiblite Delaware la ak pi lwen toujou pou satisfè ekzijans aktivite koyitif ak fizik pandan enstriksyon ak evalyasyon.